



Grupa Bal populer  
SĚLVA - S. CRISTINA

**Gherdëina**

nr. 21 / 3 de jujn 2006

**LA USC**  
DI LADINS

## Cudejel de nfurmazion sun la Grupa da Bal

*La Grupa de bal populer Sëlva-S.Cristina se  
prejentea tres n pitl cudejel y nce sun internet*

**Lies** - N ucajon dla sëira de bal metuda a jì per l'enes di jëuni 2006, iel unì prejentà y partì ora al publich l cudejel nuef drët garatà sun la Grupa da Bal Sëlva y S. Cristina, dessenià da Katjuscia Morson de Urtijëi. Danter truepa de bela fotografies dla grupa iel nce da liejer n curt la storia dla lia te bën cater rujenedes. De mëter adum y ciacé chisc se à cruzià Melanie Mussner, cumëmbra dla grupa de bal da si refundazion. N rengraziamënt ti va nce a Martin Zingerle y al Hotel Jägerheim coche sponsor dla scumenciadiva. Cun chësta plata scialdi garateda uel la grupa se fé cunëscer y purté si urmei bon inuem nce oradeca.

La sëira ie drët garateda y l se a abinà na blòta cumpëida de persones che desmastrova gran ueia de balé. Merit de chësc ti va zënzauter nce ala mujiga, i Raschötzer Buam, che

ulon rengrazië. Nchinamei fòvel unit adalerch te sala de chemun grupes de balarins da Stanecia y monce da Reba ca. Bele sën se ncunforta duc i cumëmbri dla grupa de bal sun l viac tla Croazia ai prins de setëmber, ulache n ie unic nviei a mustré i bai carateristics de nosc raion. Präsc sarà da liejer dut l program y uni nfurmazion dla grupa sun la plata internet nueva [www.volkstanzgruppe.org](http://www.volkstanzgruppe.org).

Coche n à bele fat a l savëi plu suvënz chier la grupa mo mutons jëuni che ëssa ueia de fé pea pra la grupa. Uniun che à ueia de mparé a balé y che ti sà bel a vester pra na lia de jëuni possa cherdé su l numer de telefonn 338/2862715 o mandé na e-mail a [info@volkstanzgruppe.org](mailto:info@volkstanzgruppe.org).

*Per la grupa de bal,  
l presidënt Andreas Delago*



*N valgun cumëmbri dla grupa di balarins de Sëlva y S. Cristina.*



Provincia Autonoma de Balsan - Südtirol  
Cultura Ladina

Gröden/Val Gardena



Dolomites